



陳宗偉

民國61年11月8日

嘉義縣

學歷／淡江大學英文系

現職／中央大學英美語文研究所碩士班

《創作理念》

## 春日等

陳宗偉

### 春日

春回大地，溪山草木皆春意。眼見流水舞蝶，則感春意盎然。驀然回首，忽見一鳥高飛，漸飛漸遠，終入雲霄。鳥既隱於雲間，雲必在天巔，不料浮雲之外竟是青山，天地大矣。雖人之小，足見天地之大；滿眼春意，天地亦皆春。

### 山居 其一

亂世高人多棄鐘鼎而就山林。靈山多仙，歸隱山林必與群仙爲侶。山中人煙罕至，燕蝶則多。既離群索居，心中無俗事，則不知甲子，年久日長。酒爲治愁藥，一飲人我兩忘。獨飲望月，因天清月朗，月則大矣。月誠大矣，但杯酒映月，月亦入杯中；而以山之高，但山有大容，雲遂自如來去而無礙。有容則大，無所勞心，天地益闊。

## 其二

山高千仞，或爲仙人之地。歸去山林，閑居於山深之處，不聞世事，便不知歲之將至，更覺日永年長。既處山深之地，俯觀天下，萬物則小矣。或賞屋前花紅葉綠，香氣益襲人，便忘塵事。偶讀史冊，心通千古，與聖賢同心；一登絕頂，無物不小，天下益寬。心若遠通千古、寬如天下，無所勞心，遂與青天共觀天下蒼生之庸碌矣。

春日

一溪春水碧潺潺，簾捲花間蛺蝶還；回首鳥飛天盡處，雲巔更疊萬重山。

山居 其一

歸去侶仙群，人稀燕蝶紛；心閑年不計，地僻事無聞。  
杯小猶容月，山高豈礙雲；忘機天地闊，醉笑息勞筋。

其二

千仞有仙鄉，閑居日月長；雲深天下小，花密檻前香。  
讀史思千古，登峰視八荒；胸中無世事，一任眾生忙。